

得啣便爲之則後不發姚剝作鱗吞蒜薑下

又方搗薑根汁飲之卽差

又方服蔓菁汁亦佳

又凡犬咬人

取竈中熱灰以粉瘡傅之姚同

又方火炙蠟以灌瘡中姚同

又方以頭垢少少內瘡中以熱牛屎塗之佳姚同

又方按蓼以傅瘡上

又方乾薑末服二七薑汁服半升亦良

又方但依獠犬法彌佳燒蟾蜍及末礬石傅之尤佳

道藏輯要

肘後備急方

卷

盧集十一

狂犬嗜者難療凡犬食馬肉生狂

犬尋常忽鼻頭燥眼赤不食避人藏身皆欲發狂便宜枸杞  
汁養麋飼之卽不狂若不肯食麋以鹽伺鼻便忽塗其鼻旣  
舐之則欲食矣神驗

附方

梅師方治狂狗咬人

取桃白皮一握水三升煎取一升服

食療治犬傷人

杵生杏仁封之差

治卒毒及狐溺棘所毒方第五十五

馬嚼人作瘡有毒腫熱疼痛方

喇鷄冠血瀝著瘡中三下若駁馬用雌鷄草馬用雄鷄姚同

又方灸瘡及腫上差

若瘡久不差者

馬鞭梢長二寸鼠矢二七枚燒末膏和傅之效

又方以婦人月經傅上最良姚云神效

人體上先有瘡而乘馬馬汗若馬毛入瘡中或但爲馬氣所蒸

皆致腫痛煩熱入腹則殺人

燒馬鞭皮末以膏和傅上

又方多飲酒取醉卽愈

道藏輯要

肘後備急方

灸

虛集十一  
川上上

又剝死馬馬骨傷人手毒攻欲死方

便取死馬腹中尿塗之卽差姚同

又方以手內女人陰中卽愈有胎者不可令胎墮

狐尿棘刺刺人腫痛欲死方

破雞搗之卽差

又方以熱桑灰汁漬冷復易取愈

小品方以熱蠟著瘡中又烟燻之令汁出卽便愈

此狐所尿之木猶如蚰蛄也此下有魚骨傷人

附方

圖經云治惡刺及狐尿刺

搗取蒲公英根莖白汁塗之惟多塗立差止此方出孫思邈千金方其序云余以正觀五年七月十五日夜以左手中指背觸著庭木至曉遂患痛不可忍經十日痛日深瘡日高大色如熟小豆色嘗聞長者之論有此方遂依治之手下則愈痛亦除瘡亦即差未十日而平復楊炎南行方亦著其效云效方治狐尿刺螫痛

杏仁細研煮兩沸承熱以浸螫處數數易之

外臺祕要治剝馬被骨刺破中毒欲死

取剝馬腹中糞及馬尿洗以糞傅之大驗絞糞汁飲之效

聖惠方治馬咬人毒入心

道藏輯要

肘後備急方

堯

虛集十一  
川×女

馬齒莧湯食之差

靈苑方治馬汗入瘡腫痛漸甚宜急療之遲則毒深難理

以生烏頭末傅瘡口良久有黃水出立愈

王氏博濟治驢涎馬汗毒所傷神效

白礬飛過黃丹炒令紫色各等分相袞合調貼患處

治卒青蛙蝮虺眾虵所螫方第五十六

葛氏竹中青蜂螫人方

雄黃麝香乾薑分等搗篩以麝肉和之著小竹管帶之行急便用傅瘡兼眾虵虺毒之神良

又方破烏雞熱傅之